

ديوان

قطرات من الحب

بقلم

عزت صميحة



مكتبة بئر العبد

إهداء



أهدي ديواني هذا (قطرات من
الحب).

إلي روح ابنتي الطاهرة / زينب
عزت صميده

الطالبة بكلية تجارة دمياط جامعه
المنصورة المتوفية ثاني أيام عيد
الأضحى المبارك الموافق ٢٣ / ٢ / ٢٠٠٢.

كما أهديه أمنا الغالية مصر إلى اعشق ترابها وأهديه أيضا إلي
رئيسنا المخلص / عبد الفتاح السيسي وادعوا له الله بالتوفيق في هذه
المهمة الصعبة وأدعو الله عز وجل أن يعينه ويحميه.

كما أهديه إلى جيشنا العظيم الذي أفتخر به وأعتز أنني كنت
واحد من جنوده عام ١٩٧٣ م أكتوبر المجيد.

وأهديه أيضا إلي رجال شرطتنا البواسل .

وادعوا الله عز وجل أن يحميهم جميعا .

وادعوا الله عز وجل أن يرحم جميع شهدائنا وان يسكنهم فسيح

جناته .

والله ولي التوفيق .

بروحي وعمري أفديكي

يا للي بدوب من سحر عنيكى مش هتأخر مره عليكى
إطلبى منى حتى حياتى أوهبها لك ملك أيديكى

ياللى بدوب من سحر عنيكى

اطلبى منى أعد بحور والا أعدي جبال وجسور
يا حبيبتى أنا مش مغرور وان بعينى أنا برضة شاريكى

ياللى بدوب من سحر عنيكى

يبقى ازاي أتأخر عنك وأنا دايمًا بتمنى أقابلك
وإن غيبتى ثانية بشتاقلك وبروحي وبعمري أفديكى

ياللى بدوب من سحر عنيكى

بدعيلك دايمًا يا عزة

بدعيلك دايمًا يا عزه من شهد كلامك بتغزة
قصصك أو شعرك لزه بدعيلك دايمًا يا عزة
يا عزة ما فيش غيرك إنتي إللي اتمنيتها تكون بتتي
دا أنتي في القلب سكتتي وفنك عملي في القلب هزه

بدعيلك دايمًا يا عزه

وجهك بشوش وجميل زوقك ما لهشي مثيل
فنك رقيق وأصيل عندك كرامة وعزة

بدعيلك دايمًا يا عزه

طالعہ دايمًا الأوائل شاطره في حل المسائل
والكل بيكي متفائل عقليتك ناضجة وفازه

بدعيلك دايمًا يا عزه

بدعيلك ربي يخليكي وتمللي يحقق أماميكي
يحرسك المولي ويرأعيكي وليكي في القلب معزه

بدعيلك دايمًا يا عزه

الابنة العزيزة / عزة محمد الصعدي تلميذتي التي أعتز بها واعتبرها في مكان
أبنتي زينب وهي موهبة واعدة

نفسي أحج وأتوب

يسارب حقتق مطلببي ووعدني بزياره النبي
مشتاق ونفسي أزوره زامللي عيني بنوره

وأدعي كمان لمي وأبي

يارب حقتق مطلببي

نفسي أوفي الدين بزيارة الحرمين
واطلع جبل عرفات أرمي الحصى جمرات

توجع شيطان غبي

يارب حقتق مطلببي

منايا أحج وأطوف مشتاق أنا وملهوف
نفسي أحج وأتوب أمسح جميع الذنوب

وزيارته هيه مكسبي

يارب حقتق مطلببي

حبي ليكي ما يتقدرش

أنا حبي ليكي ما يتقدرش مهما حصلله ما بيتغيرش
عاش سنين مليون حنين زيا لذهب ما يتقصرش

أنا حبي ليكي ما يتقدرش

أما أنتي جبك شيء تاني متوصفوش أي أغاني
دايها مزود أحزاني حتي جوابك موصلشي

أنا حبي ليكي ما يتقدرش

ما تقولي ايه واخذك مني أو حتي كلمة تظمني
لو لسة عيونك عاشقني او لسة قلبك ما قمرشي

أنا حبي ليكي ما يتقدرش

القلب هو اللي اختارك

القلب هو اللي اختارك ويحسب يعرف أخبارك
مشتاق اشوفك وأحكليك وتبوح لي به بأسرارك

القلب هو اللي اختارك

مشتاق يا غاية عن عيني اسمعك وتسمعيني
أنا عندي كلام يهملك يا حبيبي يا ضي عيني
حاحكية لبوكي في دارك القلب هو اللي اختارك
حسيت معاكي بأمان ولمست فيكي الحنان
ولو رضيتي عليه يضحك له الزمان
وتقيد شموعي بأنوارك القلب هو اللي اختارك

ما تلو منيش

ما تلو منيش وافهميني
وكفاية هو ان وحيرة
وتمللي بتجر حيني
شهد كلامك بهرني
من كتر خو في عليكي
تعاللي واسمعيني
جبي وحبك برئ
حرام يضيع حنا
ومعاه أحلام سنيني
تلوميني طب وليه
لو جد جيه يفرق
تعاللي وأوعديني

زي ما قدرتك قدريني
كاوياني بنار الغيرة
ما تلمنيش وافهميني
جمال عيونك سحرني
خايف لا حبك يدمرني
ما تلمونيش وافهميني
ماشين في أحلي طريق
في بحر عالي وغريق
ما تلو منيش وأفهميني
قلو ليلي زمبي ايه
لكلامه ما تسمعيه
ما تلو منيش وافهميني

سبيك من الأوهام
حانعيش في جو جميل
أرجو كي ريجيني
ماتلومنيش وأفهميني
وكفاينة نار وآلام
ونحقق الأحلام

بنتناق لك

يا للي جمالك مش معقول عايز أفضل جنبك علي طول
بنتاق ل كحتي وانا معاك مش قادر لحظة أنساك

وف بعدك دايم مشغول

يا للي جمالك مش معقول

دي رموشك كحلها رباني وعبونك دي عيون غزلاني
وكلامك لا أحلي أغاني من سحرك ديم مزهول

يا للي جمالك مش معقول

يا حبيبي كلمني لا سكوتك دايم يألمني
وتعالي قوللي وفهمني الصبر ف بعدك حايطول

يا للي جمالك مش معقول

سنين فانت يا بحراوي

سنين فانت علي فراقك يا بحراوي وفنك عايش كما البلسم وييداوي
كتبت بأزجالك في كل مكان وكنت تملي بتدافع عن العمال

وفي حب مصر كتبت احلي غناوي

فنك مليون احساس كنت بتخدم كل الناس
عشت كل حياتك نضال وكفاح وكانت كل خطواتك نجاح

وفنك جوة في قلوبنا ذهب هلي ماس

يا ما عطفت علي المحتاج وياما جييت للعيان علاج
كنت محافظ علي صلواتك لأخر يوم في حياتك

فنك زي قمر وهاج

ابنك أحمد بيعاهدك يشيل الرايه من بعدك
ويحافظ علي فنك ومخلص ليك ويحبك

وهو فعلا حته منك

كنت حبيبا وكنت صديقنا كنت منور لينا طريقنا
من قلبي بدعي للرحمن يسكنك جنة رضوان

ويصبرنا علي جرحنا

يا جميل هدي

يا جميل هدي وانت معدي خليت فكري يجيب ويودي
ما شي تمللي سايق في دلالك وحبيبك مش جاي علي بالك

حتي كمان ما وصلنيش ردي

يا جميل هدي وانت معدي

ليه بتسوق التقل عليه وأن شايلك في نين عليه
ايه خلاك بتعزب فيه و تسيب دمعى يسيل على خدى

يا جميل هدي وانت معدي

ياما كتير غيرك عشقونى مش عايزين أبدا يفوتونى
يا جميل أسأل و بلاش تنقل دنا في التقل محدش قدى

يا جميل هدي وانت معدي

بتبصلي من طرف عينك بعد ما رحت سألت عليك
يلا تعالى مد ايديك و نعيش سوى في الحلم الوردي

يا جميل هندي وانت معدي

بغير عليكى

الجمال والرقه يا حبيبتى فيكى والدنيا الحلوه فى بحور عنيكى

لو غبتي لحظه بشناق اليكى

وحتى م النسمه بغير عليكى

الجمال والرقه يا حبيبتى فيكى

لما بتضحكىلى يضحكى الزمان و معاكى يا روحى بحس بأمان

بلمست ايديكى بحس بحنان

وكفاية ان أشوفك وألمس ايديكى

الجمال والرقه يا حبيبتى فيكى

بدعى من كل قلبى يتحقق منايا وتيجى يا غالية تعيشى معايا

وفى عشى الصغير تتم الحكايات

تسقينى الحب وأنا أسقيكى

الجمال والرقه يا حبيبتى فيكى

حاتخدي حقك يا فلسطين^(١)

حاتخدي حقك يا فلسطين وحاتخدي ثار الشيخ ياسين
حاترجعوا أراضيكم م الصهاينة المجرمين

حاتخدي حقك يا فلسطين

لابد يطلع نهـار والظلم راح ينهار
وحقكم ما يعود بالعزم والأصرار

مهـا تمر سنين

حاتخدي حقك يا فلسطين

طول عمركم أبطال وكلكم عزم ونضال
هزمتوا يا ما الأعداى بحجارة الأطفـال

من غير سلاح صامدين

حاتخدي حقك يا فلسطين

(١) ألقىت هذه القصيدة في نادى المهندسين أمام محافظ دمياط دكتور / محمد فتحي البرادعى في الاحتفال الكبير عام ٢٠١٤ م.

ما خفتوا يوم الدبابات ولا حتى نار الطائرات
دايمًا في وقت الشدة واقفين بعزم وثبات

رافعين لفوق الجبين

حانحدي حقك يا فلسطين

القدس لازم يعود من بين أيادي اليهود
لابديجي اليوم ويرجعوا الأسود

ويزول شارون اللعين

حانحدي حقك يا فلسطين

دمياط بلا أمية^(١)

دمياط بلا أمية حلم يراود عنيه
قالها دكتور البرادعى وحقق الأمانة
والحلم أصبح حقيقة عشناه دقيقة بدقيقة
خطينا كل الصعاب بفكرته الجريئة
وأتحقق الانجاز بمهارة وبأعجاز
على أيدي مرعى ورجاله وفكرهم الممتاز
شعب دمياط يبعاهدك ما يكون عند حسن ظنك
وحيمم المسححيل ويستتير بفكرك

(١) ألقى هذه القصيدة في نادى المهندسين بدمياط أمام محافظ دمياط في ذلك الوقت دكتور / محمد فتحى البرادعى في الاحتفال الكبير عام ٢٠٠٤ ونقله التلفزيون القناة السادسة.

في كافة الصناعات
في تطوير الموبيليا
ما يحقق معجزات
وصناعة الحلويات

دمياط أم الحضاره
لو تقارنها بأى محافظة
مشهوره بالمهاره
تطلع الأولى بجداره

دكتور برادعى ياغالى
تسلم لنا وتعيش
حققت أمالى
يابو المقام عالى

الفرقة صعبة

كان نفسي أشوفك عروسة
أخذ من خدك بوسة
ياست كل البنات
أفـرق الشـربـات

كان أملي فيكي كبير
أفرش طريقك حريـر
يا شاطرة الشطار
بس الزمن غـدار

كافحتي يا ما كثير
أتاري المخبي خطير
وواصلتي في التعلـيم
ونهايته جرح أليم

كتتي الصديقة الوفيه
في البيت وفي الكلية
والأبنـة الحبيـة
مشهوره بالطبيـة

كان قلبك مليان حنان
وكان عندك إيمان
وصابرة ومصـلية
متعمـلـيش معصية

وقلوبنا مجروحة	الفرقة صعبة يا زوية
الهائلة البجوححة	وانتي الوحيدة الحبوبة
يارب قوينا	الصدمة فعلا كبيرة
وفرائك بيكوينا	وانتي ف قلوبنا أسيرة
مهما تمر السنين	عمري ما يوم هنساكي
ياحياة الحلوين	وحا عيش علي ذكراكي
قوينا بالإيمان	يارب صبر قلوبنا
يا كريم يا رحمن	انتي اللي قادر تصبرنا

يا حبيب القلب لين

يا حبيب القلب لين قلبي ليك مليان حنين
وأنت عارف ان حبك جوه قلبي من سنين

يا حبيب القلب لين

ليه نسيت كل اللي كان فين حبيبي بتاع زمان
دا أنت كنت النور لعيني وانت روعي والأمان

قولي شاغلك عني ايه

يا حبيب القلب لين

لو في مرة زعلت مني تعالي قولي وطمني
لو حد قالك شئ عني تعالي أحكي لي وفهمني

ليه تسبني معاك حزين

يا حبيب القلب لين

يا حبيبي فمين عهدك وانت دممعك فوق خدودك
لية تشمت فيك عوازلك لية تفرح فيك حسودك

وانت قلبي عليك أمين

يا حبيب القلب لين

مثل هاعمل زيك

مش هعمل زيك واتقل أنا حابعت دايا واسأل
وان مترجعتش عن ظلمك راح اسيبك تمشي وترحل

وانت اللي تمللي بتبخل

مش حاعمل زيك واتقل

كنت زمان تجري عليه من نظرة واحده تحس بيه
دلوقتي بتشوفني تهرب من غير سبب قسيت عليه

خللي المعامله تكون أجمل

مش حاعمل زيك واتقل

حرام عليك الظلم ده مفيش حبيب يعمل كده
بلاش عناد يا حبيب قلبي وكفاية شمت العدا

وتعالي ريحني واعقل

مش حاعمل زيك واتقل

حرام عليك تشغل بالي تعالي وارحم أحوالي
وقوللي اية شغلك عني حرام تسهرني ليالي

لو مش عايزني مني حاقبل.

مش حاعمل زيك وأتقل

حبك ناداني

حبك ناداني نور زماني
خلا حياتي ليها طعم تاني

حبك ناداني

رمشك سحرني زوقك بهرني
حرك مشاعري زلزل كياني

حبك ناداني

حبك ياسيدي دمي فوريدي
غير زماني فرح وأغاني

حبك ناداني

حبك ياروحى دبل جروحي
ومعاك ياغالى نولت الأمانى

حبك ناداني

أبطال مصر

أبطال مصر الشجعان عزفوا أجمل ألحان
ومعك يا غالى نولنا الأمانى

تسلم يا شحاته يا فنان

أبطال مصر الشجعان

حققوا لمصر الأمال هزمو الأسود والأفيال
وفوا بالوعود صانوا العهود وفى غانا حققنا المحال

رجعوا لمصر الكيان

أبطال مصر الشجعان

أبطال مصر الغالين فرحوا كل الملايين
كلهم كانوا فنانين هما الفراعنة المتصرين

رجعوا لمصر الكيان

أبطال مصر الشجعان

كل بلدنا فرحت بيهم ويندعي المولى يخليهم
وتملى يبارك خطاويهم وينصر مصر كان وكان

أبطال مصر الشجعان

الكورة تعطيل مصالح

هذه القصيدة بعد أحداث ٢٥ يناير وشوفنا عدد
كبير من ضحايا الكورة

يا مشغولين بالكورة والأندية انتاجنا محتاج تضحية
الكورة تعطيل مصالح ومال كتير ع الفاضي رايح

مشكل كبير للبشرية

يا مشغولين بالكورة والأندية

الكورة فعلا دمار زي لعيب القمار
ويوم تكون مهزوم ويوم يكون انتصار

عملوها ناس مؤذية

يا مشغولين بالكورة والأندية

نشئوها مستعمرين علشان ما نبقي متخلفين
والعامل ما يلاقي القوت واللاعب ياخذ ملايين

من لعبه تافهه وعادية

يا مشغولين بالكورة والأندية

ودا كلهم الإعلام مديها أعلي اهتمام
سايين غلا الأسعار والعيشة اللي صبحت نار

والكور له ليها الأولوية

يا مشغولين بالكورة والأندية

الأم

والحسب والإحساس	الأم هي الأساس
ونشيلها فوق الراس	واجب علينا نراعيها
زرعت فينا الحنان	هية الأمان والأمان
وزكرها في القرآن	المولي وصي عليها
والبسّم الشافي	هية الحضن الدافي
هيه النهر الصافي	هيه النور للدنيا
وأديها مسحت عينا	ياما سهرت علينا
عشان تربينا	ياما شافت هوان
بردة ماح تكفيها	لوجبنا الدنيا ليها
بردك شوية عليها	لوجبنا م السما

ضحى بكل أوقاتها واديتنا كل حياتها
وكلنا في الدنيا عايشين بدعواتها
يارب خليهَا ببارك لنا فيها
وزي ما أديتها تعيش ونديها

محمد نبينا

يوم مولك يا نبينا اتحققت أمانينا
نور الهدايه ظهر نور ليالينا
الظلم ذاد وانتشر والفوضي صبحت خطر
ولما جانا النبي الخير ظهر للبشر

رجع غناوينا

بعتك إله قهار هدايه للكفار
عبدو الحجر والنار جيت صحت المسار

وقدرت تهدينا

شفت الهوان والويل وعذاب يهد الجيل
حررت كل العبيد وعملت المستحيل

مع كل أعادينا

كنت الصادق الأمين اللي نشرت الدين
وهزمت الكافرين ونصرت المسلمين

في الآخره حاشفع لنا

محمد يا اسم غالي نورت لنا الليالي
صلي عليك الله يا قمرنا في العلاللي

خيرك مكفيننا

بعتك رب السماء ختام الأنبياء
أديت رسالتك بوفاء والمسلمين سعداء

والمولى راعينا

من حيننا فيك بروحنا راح نفيديك
ونعادي اللي يعاديك واللي يشوه فيك

لو روحه ما تكفيننا

الحب نتيئذ جميل

الحب زي الزرع يكبر مع الأيام
واللي بيخلص فيه بيحقق الأحلام
الحب للمشقات أحلى من الترياق
بيصبر الملهوف ويقرب الأشياء
الحب يا أحباب ما تمنعوش أسباب
بيخلي رجل الحبيب تجرى لحد الباب
الحب شىء جميل بيعمل المستحيل
بيقرب المسافات ويداوى كل عليل
الحب ملوش جيرة بيقوى نار الغيرة
واللى يحكم عقله عمره ما يعرف حيرة

اللى يجبك حبه اوعه تدوس على قلبه
واللى بيعك بيعه ماترو حش تطلب قلبه
ونصيحة منى اليك شيل الحبيب فى عينك
أوعاك تحب عليه لا النار فى يوم تكويك

بحبك و بغير عليك

بحبك و بغير عليك خد روحى لو يرضيك
بحب كل ما فيك خصوصاً نظرة عينك

بحبك و بغير عليك

يا واخذ كل أفكارى وشاغلنى فى ليلى ونهارى
بحبك حب مش عادى وليلى ونهارى بحلم بيك

بحبك و بغير عليك

معاك بحس بأخلاصك وعجبنى رقة أحساسك
بتمنى دايماً أكون جمبك تسقيني الحب وأسقيك

بحبك و بغير عليك

حبك خلانى أكافح وأكون كمان أنسان ناجح
أشرفك وأفرحك لما أروح أطلب أيديك

بحبك و بغير عليك

حييت الدنيا عشانك وعجبني زوقك وحنانك
وبنيت العش الغالى اللى حيقرينى لىك

بحبك وبغير عليك

العيشة صبحت مرار

العيشة صبحت مرار
و السبب هما التجار
يا مسئولين فين الرقابة
اللى شافوا الظلم ياما
تعالوا شوفوا الحرفيين
بيتعبوا ويكسبوا ملاليم
الشغل نايم بأستمرار
يشغل زى الحمار
نلقى ما نلقى أدينا عايشين
ماشوفنا يوم المسئولين
والسـلع بتولع
اللى بيغلوا الأسعار
انقذوا الناس الغلابة
أرحمهم م الديابـة
اللى تعبوا مش لاقين
و التجار يكسبوا ملايين
والقرش ما بيعيش بالساهل
عشان يجيب لقمة ما تاكل
ماحد يوم حاسس بينا
حاولوا يقربوا نواحيننا

أشمعنا بس الموظفين اللي جيتوا وزودتوهم
ما احنا برده الحرفيين له ما نبقاش زيهم
انظروا لنا يا مسئوليين قبل ما يفوت الأوان
قاعدين ندبر مش نافعيين وأتهدينا من الحرمان

غثوة للأطفال حكاية تنريف و سعيد

اللى يذاكر يا شطار يبقى الأول بأستمرار
أما المهمل يا حلويين فى الآخر لازم ينهار

ونهايته راح تبقى مرار

اللى يذاكر يا شطار

أعرف واد كان أسمه شريف بيذاكر فى لبسه نضيف
واما يمشى ويا صحابه عمره ما بعزق فى المصاريف

وهوايته حب الأزهار

اللى يذاكر يا شطار

كان له صاحب أسمه سعيد انما كان مهمل و بليد
واما بيدى ميعاد لصحابه عمره ما حافظ على المواعيد

كان زى الثعلب كان مكار

اللى يذاكر يا شطار

وشريف في الآخر أتعلم خش الجامعة وبقى معلم
واما سعيد أصبح فاشل ونهايته في الآخر بقى مجرم

وقرايه طردوه م الدار

اللى يذاكر يا شطار

لا لمصنع الدمار أجريوم لا للتلوث

دمياط بلدنا غالية علينا ونخاف عليها زى عينا
هية الحنان هى الأمان نديها روحنا وكل مالينا
ليه بينوا فيها مصنع دمار وشعبها يعيش فى نار
ليه التلوث يقضى عليها وهية دايمًا رمز افتخار
دمياط بلدنا زوقها جميل نسيمها يشفى كل عليل
مصيفها فعلاً أحلى مصيف وشعبها دايمًا أصل
مشهورة دايمًا بالصناعات وفيها أحلى الحلويات
وفيها كمان أطعم البان وفيها أجمل موبليات
دمياط بلدنا رمز الجمال بلد عزيمة ماهاش مثال
ليه بينوا فيها مصنع سماد ويخيووا كل الأمال

شوفوا أرض تكون مناسبة
حرام دمار أجهل مصيف
ولو بدقة حسبتوا الحسبة
حايلاقوا منظرهم مخيف
دمياط حياتنا وعيننا ليها
ونعادي اللي يأزيها
واجب نصونها ولا يوم نهينها
وبروحنا دايم نفديها

علشان عيونك

علشان عيونك يا ملاك عرضت نفسى للهلاك
ومستعد ليك يا غالى أوهب حياتى فداك

علشان عيونك يا ملاك

نظراتك الحراقية فيهم حنان وبراءة
خلونى أجرى عليك وأطلب أيديك بجرأة

وكفاية بس رضاك

علشان عيونك يا ملاك

يا ناس بحب عنيه يسعدنى لمس أيديه
لو ياخدوا مهره عيونى بردك شوية عليه

دا القلب داب فى هواك

علشان عيونك يا ملاك

علشانك أعدي بحور وأبنيك فلل وقصور
عمري ما بصر لغيرك لو حتى بنات الحور

من قلبي بتمناك

علشان عيونك يا ملاك

قطرات من الحب

قطرات من الحب شىء نابع من جوه القلب
أهديه اليكى يا بلدى ومنايا يحرسك الرب
يا أصيلة يا ست الحلوين يا سايعة فى حضنك ملايين
أنا واحد من ضمن ولادك شايلى جمايلك جوة العين
يا أم الهرم والنيل أصيلة شعبك أصيل
يا مصر يا ام الدنيا ياما أتغالك مواويل
ساحرانى دايمًا بجمالك ما لقيتشي فى الدنيا مثالك
وأنا اللى متربى فى خيرك ومنايا تتحقق أمالك
بكتب عشانك أحلى كلام وكلامى نابع م الأحساس
ومنايا تحلو الأيام وكلامى يسعد كل الناس

ووعد منى اليكى
أعدى اللي يعديكى
و قولشى غير الحق
وأقول للظلم لأ
ودا شيء بسيط ما يكفيكى
يا حبيبتى يا غالبية عليه
أوهب حياتى و عمري ليكى
يا مصر يا أم الدنيا

رمضان يا شهر الانتصارات

رمضان يا شهر الانتصارات يمافتحنا فيك فتوحات
وأنتصرنا في ٦ أكتوبر وفي بدر وفي كل الغزوات

وفيك عبرنا في ٦ ساعات

رمضان يا شهر الانتصارات

رمضان يا شهر الزكاة و الصوم وفيك بنعطف المحروم
شهر الأيمان والخير ألوان وياريت أيامك بتدوم

شهر العبادة والحسنات

رمضان يا شهر الانتصارات

فوانيسك قايده في كل مكان يا شهر نزل فيك القرآن
فيك التراويح فيك التسبيح مافيش في أيامك حرمان

والكل بيرتل آيات

رمضان يا شهر الانتصارات

وفيك كمان ليلة القدر يا شهر الهدى والصبر
وكلنا بنقوم نسهر وكلنا بنوفى الندر

وفيك تتحل الأزمات

رمضان يا شهر الانتصارات

ملخص حكاية قيس و ليلى

ياما بكى ونوح	قيس ابن الملوح
لحد ما روح	على حبه في ليلي
وعزاب يهد الحيل	شال الهموم والويل
ولا لحظة ينام الليل	كتب لها أشعار
وأهلها ما رضوش	عرض عليها المهر
زلوه ولا رحموش	سابوه يدوق المر
مع انه مش زييه	وجوزوه بالورد
ماجهه اش قيده	وعمر ورد بجده
ماشافش غير الغلب	كان أمله ينول القرب
ومات شهيد الحب	ضحى في حبه كثير
للى ما يعرفش	وهي دي قصته
وعشان ما يغلط غلطته	عشان ما يغلط غلطته

كلمة دق^(١)

دكتور هدى الله يخليها يارب بارك لها وأحميها
بدعى من ربي يكسبها وبارك في جميع خطوبها
دكتور هدى الله يخليها

جنينة وليها قلب كبير يصعب عليها مريض و فقير
أنا مهما قلت عنها حقوقها لا يمكن أوفيتها
دكتور هدى الله يخليها

دكتورة هدى فكر وأحاساس كلامها زى الذهب والاس
وباما خدمت كثير من الناس خدمات لا يمكن نحصيها
دكتور هدى الله يخليها

خدمتى و عملت لى ديوانى شالت كثير من أحزانى
خليتنى رجعت من تانى والفضل دا يرجع ليها
دكتور هدى الله يخليها

(١) مهداه الى السيدة الفاضلة دكتورة/ هدى الكومي صاحبه دار الابداع بالقاهرة
للصحافة و النشر و التوزيع.

دي ياما عملت للقراء وياما طبعست للأدباء
من أبناء مصر الشرفاء وكلنا بنفخر بينها

دكتور هدى الله يخليها

ضحت كثير من أجل العلم خدمت بلدها في حرب وسلم
وياما وقفت ضد الظلم في حاضرها واللا في ماضيها

دكتور هدى الله يخليها

دكتورة هدى مصرية أصيلة عملت لمصر خدمات جلية
طول عمرها أنسنة نبيلة يارب حقق لها أمانها

دكتور هدى الله يخليها

وفقها في دار الأبداع أحبها من كل الأوجاع
وفقها ووفق ولادها ومن نعيمك أغنيها

دكتور هدى الله يخليها

مهدها من الشاعر الدمياطي / عزت عبده صميده

عضو اتحاد كتاب مصر

منتوار حياتى

صحیح انا راجل فقير
لاكن عايش أمير
دايما يكند وأتعب
مسيش شغلى والعب
ورغم عيشتى البسيطة
لا احب هيصة ولا زيطه
بعرف كمان الأصول
دايما بنول القبول
لفيت كثير وقليل
عمري ما عشت ذليل
ياما حاربت الظلم
وأعشق كمان العلم
وعندى كومة عيال
وماكلشى غير بالحلال
علشان أجيب القرش
وأرتاح وأنام فى القرش
تمللى حقانى
ولا أعيب غى خلافى
وتمللى صاحب واجب
وعينى ما تعلاش على الحاجب
وشربت مر الكاس
ويحب كل الناس
وياما خدت جوايز
وأحب أكون الفايز

ورغم ضعفى ومرضى
دايمًا بحقق غرضى
أديت حقوق الوطن
دفعنا غالى الثمن
ولاكن عندى كرامة
وتمللى عندى شهامة
لحد يوم النصر
وعشقى كله لمصر
كتبت يامًا كثير
وتمللى عندى ضمير
وصلوا الثمن دواوين
ينفعنى يوم الدين
كل أنابطلبه
يسترني يوم الممات
من ربي ما يحوجنيش
وكان ما يقطعنيش

مصر كل تلتى

لوجابولى أحلى قصر
ويقولولى أحب غيرها
مصر هيه نور عينه
لو قالولى تساوى روحك
مصر دايمًا حب غالى
منها بتنفس هوايا
ياما كلت من نخيلها
مهما أشرق ولا أغرب
روحي بترفرف عليها
دنايا ما كلت خيرها
مصر عشانها أعدى بحور
وأطلع جبال وأخطى جسور
وفلوس كثير ماهاش حصر
مش هاحب غيرك يا مصر
هيه روحى وكل مالیه
أقول لهم وأكثر شوية
اسم ساكن فى العلالى
فيها اتربت عيالى
وشريت من ميه نيلها
برجع أجرى قوام وأجيلها
وانتائى كله ليها
وجريت ولعبت فى حوارها
وأخللى ليل الضلمة نور
وأجيب ليها لبن العصفور

مصر حياتنا كل اماننا	حانعليها بأدين عمالنا
هي الحاضر والمستقبل	وحايتربى فيها أجيلنا
لازم نضحى بروحنا عشانها	لازم نعلى كمان بنيانها
لازم نكبر مصانعها	مصر عظيمة وليها مكانها
يارب حقق أمانها	يارب بارك خطاومها
يارب قوى عزيمنتنا	وانصرها دايمها على أعديا

حبيبي زوق

حبيبي زوق مليان احساس طيب قوى وكمان حساس
الكل يخلّف بجاله زوقه بيعجب كل الناس

حبيبي زوق مليان احساس

خدوده حلوه بلون الورد عيونه سوده وملهاش قد
قوامه دايمه يسحرنى وهو دوغرى ودايمه جد

وقشطة بيضة على أنانس

حبيبي زوق مليان احساس

فيه ناس كثير تحسدنى عليه وأنا بدوب من سحر عينه
لو مريوم وماشوفتوش بزعل قوى وبحن اليه

وأروح أشوفه بشوق وحماس

حبيبي زوق مليان احساس

اللي بيتعب بينول

النجاح في دراسته
شرف أهله ومدرسته
من بعد تعب السنة
قدر يخطي الصعاب
كافح وذاكر كتابه
اما اللي يلعب ويقصر
ما يحسش بالمصيبة
تصبح حياته مريية
دايما كدا يسانس
ويعيش مرفوع الراس
بيكون فرحان وسعيد
وفرحة ولا أجمل عيد
فرح ونال المنى
صبحت حياته هنا
وخذ نصية ومنابه
يفشل ويطول عذابه
الا في آخر العام
وعيشته تبقى آلام
اللي بيتعب بينول
بعد ما يجني المحصول

يا أم العيون الخضره

يا أم العيون الخضرا سبحانه رب القدرة
نظرات عيونك تسحر بتمني منهم نظرة

يا أم العيون الخضره

نظرة تروق بالي تداويني م اللي جراسي
بحلفك بالغالي شوفي دوا الحالي

رقيلي ولو مره

يا أم العيون الخضره

جمال عيونك نادر يدوب الساحر
قوليلي اعمل ايه لجمالك الباهر

يا أميرة الأمره

يا أم العيون الخضره

متخلنـيش في الهـوا هـاتيلي حـالا دوا
دليني علي فـكرة علشان ما نصبح سوا

ونكون الأسرة

يا أم العيون الخضره

بحبك يا أحلي ورده

بحبك بحبك يا أحلي ورده بحب أشوفك يا غزاله شارده
بحبك حب مش عادي وعيوني دايمًا عليكى بارده

بحبك بحبك يا أحلي ورده

زوقك وأدبك سحروني نظرات عيونك شغلوني
خلوني دايمًا بخاف يا روحى من العوازل لا يحسدوني

ويحرمونا من المودة

بحبك بحبك يا أحلي ورده

القلب دائمًا مشتاق اليكى وبحب دايمًا الاغيكى
ومستعد أخطي الصعب لو كان الصعب حا يرضيكى

والمهر اجيبة من النهارده

بحبك بحبك يا أحلي ورده

طفل رقيق أسمة محمود^(١)

طفل رقيق أسمة محمود بحمية المولي من كل حسود
أبيض وجميل وعينة خضرة أهدها لنا رب القدره
رغم انه ابن ابني بيحبني دايمًا يلاعبني

وأنا ليه تملي بكون مشدود

طفل رقيق أسمة محمود

ورغم انه دمه خفيف بيخللي لبسة تملي نضيف
ويحب يعلب مع سته ويحب جده وعمه شريف
قططوط ودلوع العيله وعامله دايمًا هليله

عسولة قوي وما لهشي وجود

طفل رقيق أسمة محمود

(١) بمناسبة ميلاد حفيدي / محمود محمد عزت صميده.

بدعيه من ربي يخليه يكبر ويحقق أمانيه
ويصونه المولي ويحميه ويبارك في جميع خطاويه
ونشوقه م الخلف الصالح يكبر ويكون انسان ناجح

يقدر يخطي كل الحدود

طفل رقيق أسمة محمود

عشّانك يا غالي

عشّانك يا غالي بعد الليالي
ياريتك تجينني وترأف بحالي

عشّانك يا غالي

عشّانك أسافر أجيّب النجوم
وأكافح وأعافر وأعدي الغيوم
وأجلك ياروحي نظير في العاللي

عشّانك يا غالي

عشّانك أعدي أخطي المحال
واجيلك بمهري وعشمي الحلال
وأحقق أمالك وأحقق أمالي

عشّانك يا غالي

يا قلبك القاسي

يا قلبك القاسي فاكر عامل ناسي
ورغم جبي ليك بتلعب بإحساسسي

يا قلبك القاسي

يا قلبك القادر وطبعك الغادر
دايما بتسحرني بجمالك النادر

وساقيني من كاسي

يا قلبك القاسي

دايما تسوق الدلال عشان ما تعرف غلاوتك
وأنا قلبي ليك ميال وكمان بدوب من حلاوتك

وأنت فاهمني وراسي

يا قلبك القاسي

كفاية حيرة وعذاب وارحم حبيب قلبك
دنا جيتلك بعد غياب طالب كمان قريبك

وهواك علي راسي

يا قلبك القاسي

نهارك سعيد

نهارك سعيد ويومك مفيد

ولا أحلي عيد

نهارك سعيد

نهارك سعادة ومحتاج إرادة

ويومك مزهزه وعملك عباده

هتكسب أكيد

نهارك سعيد

قوم اسعي وكافح حنعمل مصالح

ودايماً لبلدك تكون عضونناجح

وعزمك حديد

نهارك سعيد

اصححي الصبحية دي ساعه هنية
فيها العزيمة بتبقى قويية

ورزقك يزيد

نهارك سعيد

نهارك سعيد

الناس أسرار

والناس أسرار	المدنيا مرار
وفيه المنهار	فيها اللي مفرفش
محتاج طيب	فيها العيان
ومنين هيا يجيب	بيبات جعان
بياكل من كدو	مكسبة علي قده
ع الصواب يتعدو	جنيهات قليله بيكسبها
وعيالسه كتير	طول عمره فقير
والعيش بيحبيته بطواير	اللحمة يمكن عمره ما جابها
وكان تمللي حامد ربه	صابر علي غلبه
بيسيها ويدوس علي قلبه	لونها راحت علي حاجه
والجيب عميران	غيره مفرفش
وف غيره طمعان	دايم بيقتشش

داير يبعزق في فلوسة
ولو فقير جاله يدوسه
وأهي دنيا وأيام بتعدي
وفيهاناس عايشة تعيسه
وقلوسه كتيـر
ولا عنده ضمير
بتفوت سريعه ما بتهدى
وناس عايشين في حلم وردى

فراق الحبيب

في رحيل الزجال الكبير / حامد صميده

يا رب صبر قلوبنا
بكيناياما ودوبنا
علي فراق الحبيب
والجرح ما بيطيب

رحل حبيب القلب
كان الأمل والحب
وفراقه صعب علينا
أستاذنا وضي عيننا

كان حضنتنا الدافي
كان فيلسوف الزجل
والبلسم الشافي
وكان أمير القوافي

فنه حايعيش معانا
دايما هايفضل جوانا
لحد يوم الدين
ويعلم الناشئين

دنامهما قلت عنه
طول عمري عاشق لفنه
عمري ما وفي الدين
والاقي زيئه فين

دا كان أبويا وعمي ودمه من دمي

وكان صديقي ونسيبي ويا ماشال همي

حاعيش علي ذكراه عمري ما يوم حنساه

وأدعية بالرحمه من ربي جل علاه

ابنة وتلميذه

عزت عبده صميده

دعا يا رب اهدينا

يا رب اهدنا حقق امانينا
اهدني العاصي فينا يا رب اهدنا
يا رب يا هادي احفظ لئلا نسي اولادي
وانصرنا ع الأعداي م الشـرـر نجينا

يا رب اهدنا

يا أكرم الأكرمين يا أرحم الراحمين
إرحمنا دنيا ودين من خيرك إديننا

يا رب اهدنا

يا كريم يا ستار يا عالم الأسرار
إجعلنا م الأبرار وتملئني قويننا

يا رب اهدنا

يا شباب خمسة وعشرين

يا شباب خمسة وعشرين حققوا آمال الملايين
ثورتكم أذهلت العالم من مصر لحد الصين

يا شباب خمسة وعشرين

بشهادة وعزيمة قوية رجعتوا لمصر الحرة
وصمدتوا وبروح قتاليه يا ولاد مصري يا هائلين

يا شباب خمسة وعشرين

طهرتم بلدكم م الفساد رجعتوا لمصر الأجداد
خايفين عليكم م الحساد وكان من غدر الحاقدين

يا شباب خمسة وعشرين

عايزين نحسن في الصناعات ونعوض كل اللي فات
من غير تصفية حسابات ونعوض صبر السنين

يا شباب خمسة وعشرين

ويندعي لكل الشهداء اللي حياتهم كانت فداء
يكونوا في الجنة سعداء والإله ليكم معين

يا شباب خمسة وعشرين

طول عمرك يا زمالك

طول عمرك يا زمالك بتحقق بطولات يا ما في كره القدم عملت المعجزات
في مصر وفي افريقيا لك صولات وجولات

طول عمرك يا زمالك بتحقق بطولات

طول عمرك انت المدرسة لعب وفن وهندسة
طول عمرك انت المريسه في الفن لك علامات

طول عمرك يا زمالك بتحقق بطولات

يا ما قسيت ظلم الحكام يا ما غدر بيك الإعلام
وانت تمللي فارس همام وبتخرج من الأزمات

طول عمرك يا زمالك بتحقق بطولات

طول عمرك يا زمالك لك أكبر شعبية ويا ما شرفتنا قدام أكبر أندية
طول عمرك يا زمالك وانت أدا المسئولية ومها قالوا عنك شامخ كما الأهرامات

طول عمرك يا زمالك بتحقق بطولات

ثورة ٣٠ يا تلعب مصر

يا شعب مصر يا رجاله	خلاص حاتحلو الحاله
الظلم عهده خلاص ولي	واحنا عايزين العداله
بكرة هانرجع حقوقنا	دللي ها يظمن قلوبنا
بعد ما كان حقنا ضايع	الحق حا يرجع لحيوننا
احنا الأسود المصريين	اللي لبلدهم مخلصين
رجعنا الحق لأصحابه	من بعد صبر سنين
عايزين نحقق مكاسب	واللي غلطان يتحاسب
ونحط الراجل المناسب	في المكان المناسب
وعشان نحقق أمانينا	نشيل بلدنا في عنينا
دي المطالب الفئوية	حانشمت الأعداء فينا

عائزين نحسن في الصناعات
عائزين نكافح ونجاهد
ونعوض كل اللي فات
عشان ما نخرج م الأزمات

ودم جميع الشهداء
وكفاية ان حياتهم
مش حا يضيع ابدأ هباء
لمصر كانت فداء

الإخوان ملهمتش أمان ثورة ٣٠ يونيو

الإخوان ملهمتش أمان
خرجت مصر بكل ولادها
صباح مرسي ما لهشي مكان
اسقطناهم في الميدان
حققت فعلا آمالها
الإخوان ملهمتش أمان

مصر دايمها يظلموها
كذبوا علينا وخدعونا
علشان يرضوا الأمريكان
جالهم فرصة وضيعوها
ومصر كانوا حايجربوها
الإخوان ملهمتش أمان

يسلم لنا جيشنا العظيم
اللي رجع كرامتنا
وشال السلطة من الإخوان
اللي خطط في السليم
جباب الفرحة لأمتنا
الإخوان ملهمتش أمان

والشرطة الله يخليهم
ضحوا عشنا بأرواحهم
عملوا كل اللي عليهم
يارب بارك خطاويهم

وانصرهم علي كل جبان الإخوان ملهمش أمان

مصر مش تركه ورثوها كل المصالح أخونوها

حتي الشرطه بهدلوها محناش قرطيس لب حا يقزقزوها

مصر دولة وليها كيان الإخوان ملهمش أمان

تسلم يا سيسي

تسلم يا سيسي يا أكبر شجاع عزلت اللي بارع في فن الخداع
وعايز ما يحكم بلوي الدرعا تسلم يا سيسي يا أكبر شجاع
عزلت اللي يخلف ويكذب كثير ودايها بيقتل صغير او كبير
وبيبع بلدنا معندوش ضمير وخلا بلدنا في فوضي وصراع

تسلم يا سيسي يا أكبر شجاع

عزلت اللي بحكم بأمر الجماعه ومهما يقولوا كلمتهم مطاعة
وجاب لبلدنا الديون والمجاعه وعيشنا في عهده في هم وصداع

تسلم يا سيسي يا أكبر شجاع

عزلت العميل الصديق للأعادي الجاسوس اللي عايز يدمر بلادي
وعايز يفرط كمان في الأراضي وخلا بلدنا في حاله ضياع

تسلم يا سيسي يا أكبر شجاع

وألفين تحية لشرطة بلدنا اللي ضحت عشان تحقق مرادنا
وعادت بقوة تفرح ولادنا وجابت لمصر الأمان اللي ضاع

تسلم يا سيبي يا أكبر شجاع

وبكره يا بلدي نعوض ما فات نرجع حقوقو الشهيد اللي مات
ونرجع بلدنا بقوة وثبات بهمه رجالنا وجنودنا اسباع

تسلم يا سيبي يا أكبر شجاع

دستور لكل المصريين نعم للدستور

قولوا نعم للدستور
يا ولاد بلدنا يا أوفياء
قولوا نعم وبكل سرور
ودي كلمة حق مش كلمة زور
متشمتوش فينا الأعداء
قولوا نعم للدستور

عمال أو فلاحين
تأمين صحي للمواطنين
حيمشي كل الأمور
المراة والمعوقين
دستور لكل المصريين
قولوا نعم للدستور

بلدنا ليها حق علينا
بروحننا لازم نفديها
وعدونا خاين ما أجور
لازم نشيلها جوه عيننا
مصر أمانه ف اديننا
قولوا نعم للدستور

يا ولاد بلدنا يا مخلصين
عائزين نكمل مشوارنا
علشان بلدنا نعبدي بحور
قولوا نعم للدستور
لازم نكون متوحدين
ضد الجماعة المجرمين

دستور بلدنا عظيم
فيه مصلحة كل بلدنا
وبية بلدنا تعيش في النور
قولوا نعم للدستور
وكل شئ في بنوده سليم
وبيه نرجع أمجادنا

نعم لنخرج من الظلام
مصلحتنا فوق كل شئ
وعدونا غدار مغرور
قولوا نعم للدستور
نعم لتحقيق الأحلام
يا ولاد بلدنا يا كرام

إلى حماس

مصر تستحق منكم كل ده تخنوها وتشمتموا فيها العدا
مصر اللي ضحت عشانكو بالغالي تخنوها وتعملوا فيها كده

حرام عليكم الظلم ده

اتفقتم مع الإخوان الإرهابيين اقتحمتوا سجونها وهربتوا المساجين
اقتحمتوا سجوننا مع حزب الله وهربتوا الجواسيس الملاعين

وبتقتلوا خير أجنادها الصالحين

أصبحتوا عملا للأمرىكان وإسرائيل وقطر والإخوان
أصبحتوا عملا لتركيا واتعاونتوا مع داعش كمان

وبقيتوا ألن من الشيطان

وخسرتوا مصر العظيمة اللي عملت ليكم قيمة
ضحت عشانكم بميت ألف شهيد عان تعيشوا حياة كريمة

وبقيتوا للشيطان وليمة

خلاص بعثوا القضية ومشيتوا ورا الحرامية
عشان أمريكا واسرائيل القدس تبقي الضحية

بصراحة متوش أذكية

دا انتم طلعتم أغبية

الشاعر

عزت صميده

عضو اتحاد كتاب مصر

التياب له دور كبير

بهتامننا يا شباب
ونعلني في رايه بلدنا
راح تزول كل الصعاب
ونحقق الحلم اللي غاب

الشباب له دور كبير
بس لو نهتم بيه
هو الأمل هو المصير
ونراعية بحكمة وضمير

نرريهم ع الوفاء
ح نلاقهم في الشدايد
ونعلمهم الانتماء
عندهم روح الفداء

جيل يكون فعلا أصيل
كلهم أبطال وفوارس
فيه نجيب محفوظ وزويل
يقدروا يردوا الجميل

جيل يعلي في البنيان
جيل يخلي مصر بلدنا
يني ويزرع في البستان
عايشة دايما في الأمان

في السلام راح ينفعونا
م الععدو المغتصب
في الشدايد يسندونا
يقدرُوا فعلا يجمونا

نعلمهم حب الدين
بالايمان وبالمحبة
واحترام الوالدين
راح يكونوا موفقين

مسلمين ومسيحيين
يكونوا دايمًا يد واحده
يكونوا أخوه متحابين
لبلدهم مخلصين

ذي أيام العبور
هدو باريف المنيع
كانوا سوا زي النسور
خلوا ليل الضلمه نور

والنهارده يا كرام
عصر أغصان الزيتون
احنا في عصر السلام
والمحبة والوئام

المرأة دورها كبير

المرأة دورها في كل مجال
في بيتها ولاف وظيفتها
بتحقق كل آمال
بتضيف لمسة جمال

مخلوفة جميلة رقيقة
ويتنفع وقت الضيقة
وحبيبة كمان وصديقة
من غيرها ما فيش أجيال

بتربي كمان أولادنا
بتنظف لنا بيوتنا
وتوضب لنا لقمتنا
وتحافظ علي الأطفال

المرأة دورها كبير
وصلت للدرجة وزير
شغلت مناصب كثير
وسيدة أعمال

دخلت كل الصناعات
في كثير من المجالات
وعملت معجزات
فاقت حتي الرجال

هيمه الأمل والحنينة
والدنيا تصيح وردية
بيها الحياة تبقي هنيه
هيه كمان أم العيال

مذكورة في الأديان
مشهوره بالحنان
من سالف الزمان
والصبر وطولة البال

بتقاسي يا ما في حملها
من أجل زوجها وطفلها
وكتير تضحي بعمرها
تضحية ما لها مثال

المرأة نص المجتمع
بأديها تعمل البدع
زيه ازي الجدع
معندهاش محال

واجب علينا نراعيها
علشان نحافظ عليها
ونعلمها ونوعيها
وبلدنا تصيح عال

المؤلف في سطور

الاسم : عزت عبده أحمد

صميذة

اسم الشهرة : عزت صميذة



من مواليد القاهرة الدرب الأحمر
سنة ١٩٥٣ م متزوج من ابنة عمي
الشاعر / حامد أحمد صميذة الابنة
الكبرى مدام / نادية حامد صميذة ابنة
عمي سافرنا الي دمياط انا وأسرتي سنة

١٩٥٧ موطن م موطن عائلتي الأصلي وأقمنا هناك إقامة دائمة حتي
الآن صدر ديواني الأول بعنوان (كلام ومعاني). عام ١٩٨٦ م علي
نفقتي الخاصة ثم أصدرت ديواني الثاني (بستان الحب) عن طريق
صندوق الطبع والنشر برابطة الزجالين وكتاب الأغاني عام ١٩٩٣ م
والديوان الثالث بعنوان (سيمفونية حب) عام ١٩٩٨ عن طريق
صندوق الطبع والنشر برابطة الزجالين وكتاب الأغاني والديوان
الرابع بعنوان (أنغام النسيم) عام ١٩٩٩ عن طريق صندوق النشر

والطبع برابطة الزجالين وكتاب الأغاني وأيضاً ثم صدر لي ديوانيين آخرين عن طريق الجامعة العمالية الأول بعنوان (الدنيا مصالِح) سنة ٢٠٠٠م الثاني بعنوان (ناس وناس) عام ٢٠٠١م نشرت أعمالِي في مطبوعات رابطة الزجالين وكتاب الأغاني ودواوين كلام وأقلام وكلام في الميزان ومواهب وأضواء وشعراء القاهرة والأقاليم لأخي وصديقي أبو سعاد ومجلة بلدي للأستاذ الشاعر / محمد رخا رئيس جماعه الأدب العربي بالإسكندرية ونشرت قصائدي في معظم الصحف والمجلات والنشرات الثقافية والإذاعة والتلفزيون وحصلت علي العديد من الجوائز من قصر ثقافة دمياط ورابطة الزجالين وجماعه الأدب العربي والمحافظات وعضوا باتحاد كتاب مصر منذ عام ١٩٩٩ وعضو رابطة الزجالين وكتاب مصر الأغاني منذ عام ١٩٨٠ وعضو رابطة الزجالين وكتاب الأغاني منذ عام ١٩٨٠ وعضو جماعة الأدب العربي بالإسكندرية وعضو نادي الأدب بقصر ثقافة دمياط.

الفهرس

- الإهداء ٣
- بروحي وعمري أفديكي ٥
- بدعيلك دايا يا عزة ٦
- نفسى أحج وأتوب ٨
- حبي ليكي ما يتقدرش ٩
- القلب هو اللي أختارك ١٠
- ما تلومنيش ١١
- بشتاق لك ١٣
- سين فانت يا جحراوي ١٤
- يا جميل هدي ١٦
- بغير عليكى ١٨
- حائدى حقك يا فلسطين ١٩
- دمياط بلا أمية ٢١

- ٢٣ الفرقة صعبة
- ٢٥ يا حبيب القلب لين
- ٢٧ مش هاعمل زيك
- ٢٩ حبك ناداني
- ٣٠ أبطال مصر
- ٣٢ الكورة تعطيل مصالح
- ٣٤ الأم
- ٣٦ محمد نبينا
- ٣٨ الحب شئ جميل
- ٤٠ بحبك و بغير عليك
- ٤٢ العيشة صبحت مرار
- ٤٤ غنوة للأطفال : حكاية شريف و سعيد
- ٤٦ لا لمصنع الدمار أجريوم لا للتلوث
- ٤٨ علشان عيونك
- ٥٠ قطرات من الحب

- ٥٢ رمضان يا شهر الأنتصرات
- ٥٤ ملخص حكاية قيس و ليلى
- ٥٥ كلمة حق
- ٥٧ مشوار حياتى
- ٥٩ مصر كل شىء
- ٦١ حبيبي زوق
- ٦٢ اللي بيتعب بينول
- ٦٣ يا أم العيون الخضره
- ٦٥ بحبك يا أحلي ورده
- ٦٦ طفل رقيق أسمة محمود
- ٦٨ عشانك يا غالي
- ٦٩ يا قلبك القاسي
- ٧١ نهارك سعيد
- ٧٣ الناس أسرار
- ٧٥ فراق الحبيب

- ٧٧ (دعاء) يا رب اهدينا
- ٧٨ يا شباب خمسة وعشرين
- ٨٠ طول عمرك يا زمالك
- ٨١ ثورة ٣٠ يا شعب مصر
- ٨٣ الإخوان ملهمش أمان ثورة ٣٠ يونيو
- ٨٥ تسلم يا سيدي
- ٨٧ دستور لكل المصريين
- ٨٩ إلى حماس
- ٩١ الشباب له دور كبير
- ٩٣ المرأة دورها كبير
- ٩٥ المؤلف في سطور
- ٩٧ الفهرس

